

續修四庫全書

《續修四庫全書》編纂委員會編

續修四庫全書

上海古籍出版社

一四三四・集部・別集類

西莊始存稿三十九卷 (清)王鳴盛撰……………一

戴東原集十二卷 (清)戴震撰 覆校札記一卷 (清)段玉裁撰……………四二三

經韵樓集十二卷 (卷一至卷四) (清)段玉裁撰……………五六五

西莊先生文學天下稱之然人之所以稱先生者皆非先生志意之所存而先生之所為好學深思而深造自得者人固莫能窺也自有宋諸儒倡明道學元明承之義理大闡而漢唐經師章句訓詁專門家法漸以衰息我朝諸先輩始復留意蓋虛言告退實學肇興儒林之盛軼前古矣先生最後出以高明伉爽之質用沈深顛實之功自其少時固已橫鶩別驅蹕厲風發中年以後超乘而上譬諸撤藩垣而洞房奧脫鱗介而生羽翮蓋嘗上下二三十年深思夫通經學古之所由知義理必從

西莊始存稿

張序

一

考據入未有考據件而可言義理者聲音文字象數名物探蹟鉤深久之得其窾綮漢人之傳注唐人之義疏盡能通其旨要夫是乃博之以理趣而溢之為文章洋洋乎左右逢源而初未嘗欲執筆學為如是之文也嗚呼先生之好學深思深造自得夫豈薄殖輕才虛鋒漲墨摩擬剽竊捫壁扶牆者所敢望哉先生之學邃于經而平生精力尤在尚書所著後案六十卷表微存逸截斷衆流其他雜著又不下十餘種略皆具稿可繕寫美哉博且精矣夫文章必本于經術夫人而能言之然文人

治經不過約其綱宗撮其崖略薰染其芳臭氣澤而已若章句訓詁固有所未暇及而守訓詁家法者又往往膠葛重腿無以自運而不復措思于修辭是以文人與經師常不能兼也先生獨能兼之先生豈遂能盡掩前人哉蓋亦適會其時而去短集長以有此也若乃用韻之語獻酬之作摘華挾藻皆其餘技而世顧艷稱之抑末矣近日鄭寒村序黃南雷謂其即文即道計改序序汪鈍菴亦有合經與道與文而為一之說予謂士生宋元明之下所難正不在論道患無學耳以實學為文合經

西莊始存稿

張序

二

與文而為一先生是也予小子承乏詞垣于先生為後進因得從遊問牆之列茲先生文稿初刻方竣敬舉膚言挂名末簡聊致區區嚮往之私云爾乾隆乙酉長夏受業門人宣城張燾再拜謹書于廣陵旅次

予束髮知慕先生名楚吳相去三千里不獲親承
餘論庚辰忝與館選辛巳謬領史職念經師之難
遇急往奉贄受業門下先生之門賢士所湊如予
何足比數而先生雅好接引後進每相見晬乎其
容藹乎其言談道講學上下古今移日分夜不倦
乃嘆先生之學非流俗之學先生之文非流俗之
文也從來著述家必讀萬卷書行萬里路然居而
絃誦出而遊覽事每相妨及其筆之于書則又有
臺閣之體有山林之製分鑣異轍而各不能以相
通有人於此汲古之功深游覽之迹富登臺閣而
西莊始存稿 蕭序 一

心超乎纓紱之外居江湖而情寄乎煙霞之表斯
固扶輿英淋之氣之所萃而斯文之統緒將于是
乎繫焉人即有忌之者能齟齬其名位而終不能
掩抑其文章如此者蓋亦代不數人矣若先生非
其人與先生稟絕異之姿弱齡負大名而浮湛隱
約困於舉場者二十餘年客授在外吳越燕齊楚
蜀行歷幾遍已而擢上第為史官受 聖明特
達之知典著作之任釋褐甫五載兼掌兩制入參
政府 禁中呼為才子見者望若神仙一切應奉
經進之作日以益富銜 命奉使星軺所屆搜奇

攬勝又嘗扈 蹕近畿及塞外持衣橐筆出入屬
車豹尾間江山之助益多未及艾而循陔養志蕭
然遺榮扁舟釣具倘佯湖山間泊如也綜計生平
三十三而登朝四十三而退處其所閱歷者如此
殆真能兼探讀書行路之勝而奄有山林臺閣之
長者哉先生淡于聲華而濃於德業廩于進而
貪于文章勇于學術而怯於權門密于窮經而疎
於逐利目耕肘抄手胝口沫船唇鞍背未嘗一日
廢書經史而外百家九流靡不貫綜山經地志斷
碑殘碣之文靡不蒐獵爬梳剔抉弼中裸外視彼
西莊始存稿 蕭序 二

潢潦蹄涔之水有時汪洋一瀉都盡冬月唐花藉
火力催發入春便黃萎者詎不相逕庭邪夫以先
生之所成就較元之虞伯生黃晉卿柳道傳明之
宋景濂王子充歸熙甫王道思輩其為波瀾之廣
陬戶牖之淺深固非予等門下士所敢妄議要其
函雅故通古今扶質立幹垂條結繁卓然為我朝
一大宗洵無疑矣世之人擾擾馳逐以終世所辛
苦而厘得之者回觀先生殆不啻劍首之一吷矣
今而後當思先生之榮遇此有命焉不可必得至
于先生之學則固自有僉徑之可循有梯級之可

陟後之君子宜何如其興起也乾隆三十有一年
歲次丙戌春二月既望受業門人漢陽蕭芝頓首
謹撰

西莊始存稿

蕭序

三

西莊居士始存彙總目

後定今三十卷書終蕭士西莊先生詩文集

卷一 後定今卷二十八

頌六十八首

賦四首

卷二 後定今卷二十九

律賦十四首

恭集詩二十首

試帖詩十二首

卷三 後定今卷一

古今詩八十首

西莊始存稿

總目

一

卷四 後定今卷二

古今詩二十九首

卷五 後定今卷三

古今詩六十首

卷六 後定今卷四

古今詩七十首

卷七 後定今卷五

古今詩四十二首

卷八 後定今卷六

古今詩九十首

卷九 後定本卷七

古今詩九十首

卷十 後定本卷八

古今詩七十一首

卷十一 後定本卷九

古今詩九十三首

卷十二 後定本卷十

古今詩一百三十首

卷十三 後定本卷十一

古今詩五十三首

西莊始存稿

總目

卷十四 後定本卷十二

古今詩三十七首

卷十五 後定本卷十三

古今詩四十四首

卷十六 後定本卷十四

古今詩三十八首

卷十七 後定本卷

古今詩五十一首

卷十八 無

古今詩五十三首

卷十九 無

洪範後案上

卷二十 無

洪範後案下

卷二十一 無

周禮軍賦說上

卷二十二 無

周禮軍賦說中

卷二十三 無

周禮軍賦說下

西莊始存稿

總目

卷二十四 後定本卷十五

序十首

卷二十五 後定本卷十六

序十首

卷二十六 後定本卷十七

序十三首

卷二十七 後定本卷十八

記九首

卷二十八 後定本卷十九

記八首

卷二十九 後定本卷二十

書二首

論二首

考一首

卷三十 後定本卷二十一

辯四首

卷三十一 後定本卷二十二

題跋二十二首

卷三十二 後定本卷二十三

題跋十八首

西莊始存稿 **總目**

卷三十三 後定本卷二十四

題跋十一首

卷三十四

制草十七首

春帖子八首

卷三十五 後定本卷二十六

疏一首

劄子一首

表二首

卷三十六 後定本卷二十七

策問五首

策一首

卷三十七 後定本卷二十九

墓志銘七首

卷三十八 後定本卷三十

塔銘二首

行述一首

像贊二首

哀辭二首

祭文一首

西莊始存稿 **總目**

卷三十九 後定本卷三十五

傳十一首

卷四十

家傳十六首 刪刻

卷附 後定本刊附卷三十九後

長短句四十七首 刪刻

西莊始存稿卷一

頌

聖武遠揚平定西陲頌

二十四章謹序

乾隆二十有四年我師克定回部逆酋大和卓木波羅泥都小和卓木霍集占咸伏誅拔達山汗素爾坦沙遣使奉表稱臣西域大定計自軍興至今甫屆五載收數十部拓地二萬餘里成

祖志繼

宗功覆載之內咸歸版圖遐荒異域自古聲教不通之區咸洋洋乎嚮風慕義願爲臣僕十月庚子

西莊始存稿

卷一

一

捷書聞壬寅羣臣表賀請上

尊號

皇帝謙讓不居以成功歸之

天祖庚戌祀

圜上越十有一日壬戌告于

太廟將士賞賚各有差行慶施惠

詔告天下猗歟都哉鴻勳懋績生民以來未之有

也臣鳴盛奉

使閩南北還朝于驛路聞捷音欣躍抃舞伏自思

念臣自少喜爲文辭竊欲和其聲以鳴國家之盛

今幸得蒙

九重特達之知不次拔擢列在禁近又適逢我

聖天子德配天地功冠古今之際當盛而鳴正在

此時作爲歌頌播諸樂府附青雲而朽所欣慕

焉昔者韓愈平淮西碑蘇軾獲鬼章詩功非甚高

而文炳萬古此功之賴文以傳者也元平雲南程

鉅夫作記明平蜀劉基作頌功有可紀而文亦足

錄此功與文之相配而傳者也今日之功爲千古

未有之功而臣文實萬不逮韓愈輩則是功不藉

文以傳而文或庶幾藉功以傳夫伊犁耆定哈薩

西莊始存稿

卷一

二

克入降布露特內屬繫郵支于闕下收頡利于湟

中運機可謂神矣二酋授首拔達山歸誠安集延

向化天山有稽顙之臣月窟置占風之吏樹勛可

謂峻矣然人仰功之成而未能深原其所以成臣

所欲闡揚萬一昭示天下後世者則更有進西陲

之永靖也皆我

皇上一人神謨密運以成之既成之後衆始覺悟

悔不早爲敦勸豈知當決機定策之初衆口狐疑

總賴

聰明睿哲剛健中正之大聖人力持一是始克成

此億萬載巍巍之盛烈哉蓋我

皇上之所信者天而已矣天即理也理之所在勢不能違中人以下每明于事後而暗于事前者中人多惑于勢之有所難而

上聖則斷以理之不可易也何則我

皇上純孝也至仁也上智也大勇也曷言乎純孝書有之若作室家既勤垣墉惟其塗墍茨若作梓材既勤樸斲惟其塗丹牖我國家

列聖繼承重熙累洽乃西顧一隅屢煩軫慮我

皇上陟降紹庭惟祈上慰

西莊始存稿

卷一

三

先志終致大業丕承詒謀式廓所謂

聖人之德無以加于孝萬國之歡合以事其

先故曰我

皇上純孝也曷言乎至仁已溺已飢之心我胞我與之量惟恐一物或失其所彼準夷皆我赤子詎忍委諸度外然猶慎重軍興所以三隙可乘而遲回未發直至勢有可乘決幾以赴于是義旗所指救民于水火塗炭之中而甌脫遺黎不勝其筐篚壺漿之慕且前代用兵往往征戍遍于閭左謫發及于老稚今則兵行絕漠而海內晏然不知有兵

其于民也不特不加賦不增算而已且蠲貸之詔靡歲不下而賑卹之

恩視昔有加軍行所過預免來歲租庸一切輓粟輸芻重給腳價而纖毫無累于民此皆從古未有之曠典故曰我

皇上至仁也曷言乎上智阿逆初降我如不受終有後患迨師出以後我

皇上密勅周防預令擒勦神幾朗鑑洞徹靡遺其後因兇渠之反側而適使兩部之削平且旁及鄰部次第來歸人跡不通之地語言不同之國航賁

西莊始存稿

卷一

四

梯琛厥角稽首惟我

皇上默籌全局預握中樞規絕域于指掌之中而不啻燭照數計建奇勲于帷幄之內而宛如聚米畫沙尤有要者今日之成功總由于葉爾奇木哈什哈爾二城之降而二城之降總由于我

皇上豫定勝算于戊寅六月派兵策應遂得陸續進援內外夾攻使二酋股栗魂驚攜孥遠竄假使非豫調之兵早已在途則黑水之圍且不能解而何有于二城之降二酋之斃哉故曰我

皇上上智也有仁孝之德上智之識而濟之以大

勇其定謀也如山岳之不可撼其赴功也如金石之不可渝有功必賞有罪必誅而游移之見絕克敵爲果致果爲毅而選輒之習除故得霆奮席卷而底績奏功也其在詩曰天子之功四方旣平夫宣王之平江漢以今視之其地近在肘腋耳然猶賴方叔召虎以成之豈如我

皇上制勝廟堂運籌密勿料事如操左契尅期捷比轉圜然則詩所云天子之功者惟我

皇上乃足以當之寧徒爲歸美之詞云爾哉微臣鄙見所及竊思闡揚萬一昭示天下後世者如此

西莊始存稿

卷一

五

敢拜手稽首而獻頌曰

天眷

皇帝金甌所覆

皇則受之萬方在宥雪嶺東西河源左右負固咸誅來庭恐後右第一章

天本無心雨露雷霆

帝德法

天爵賞兵刑栽培傾覆因物而行敷奏其勇適觀

厥成右第二章

旣克伊犁宣威播德魚海波澄龍堆烽息蠹爾花

門尚留餘孽孽由自作乃不可活右第三章

花門之族實繁有徒藐茲二酋爲狼爲獍背順效逆自速厥辜我

皇奉若爰奮神謨右第四章

順

天者存逆

天者亡推亡固存邦乃其昌師直爲壯我武惟揚皇天助順大啓新疆右第五章

言攻庫車庫車爲梗易將整師迅壓彼境信賞必罰士乃用命執憲洞幾萬里如鏡右第六章

西莊始存稿

卷十

六

時維兆惠闕如虢虎因捕準夷遂降布露振旅旋師直抵回部或搯其吭或擊其脊右第七章

牙璋颺逝鐵騎雲排開如細柳肅若臨淮旣得庫車餘力恢恢建瓴破竹朽拉枯摧右第八章

取阿克蘇存沙雅爾烏什和闐傳檄定矣勿憑蟻封勿恃鼠技碎葉卑蘭望風披靡右第九章

葉爾奇木實惟崇墉桓桓我師乘勝進攻初疑道遠強弩力窮豈知義憤決起爲雄右第十章

以客勝主以寡敵衆四百餘人渡河飛蹙拔幟以登奪稍而用暫退築堡堅如鐵甕右第十一章

築塋伊何黑水之湄孤軍懸駐賊不敢窺成敗之分實分于斯神哉我

皇豫定先機

右第十章

先機豫定戊寅之夏有備無患調兵撥馬聞信

救援星馳電駕鼓角夜鳴從天而下

右第十三章

副帥先驅參贊繼至賊人墮膽我軍裂眦箭射訓

狐犀照魑魅遂解長圍遂殲醜類

右第十四章

譬彼滄溟用灌微燭譬彼衝風用捲殘籜一片降

幡千羣面縛渠魁既跳二城廼拔

右第十五章

狡兎離穴游魚失濤追奔逐北搜其窟巢窮投別

西莊始存稿

卷一

七

部拔達之豪彼豪畏威敢匿逋逃

右第十六章

咎以尺箠繫以長纓鯨鯢授首來獻于廷金牙化

洽赤谷風清靡凶不殄靡慝不懲

右第十七章

咨爾拔達葵傾藿向感甚投醪歡同挾纊梯舞樓

頭師過枕上西極雖遐皆我亭障

右第十八章

天門蕩蕩王道平平材官送喜露版遙傳虎臣脫

劍齊唱凱旋

慈寧稱慶薄海騰歡

右第十九章

我

皇之功遠邁堯禹德盛益謙歸之

天祖諏吉祀掃親奉尊俎祥光和氣先見壇宇

右二十章

穆穆紫幄肅肅蘭堂舞我玉梢陳我柘漿神靈懽

喜降福無疆聲教四訖永奠苞桑

右第二十一章

綜計出師纔五年耳收兩大部拓二萬里女不廢

筐農無輟耒依古訖今孰婉厥美

右第二十二章

猗歟我

皇允武允文親灑奎藻用紀鴻勳我我類璧勒以

翠珉開惑之篇直匹典墳

右第二十三章

微臣 弁陋敢曰善鳴生當極盛躬被殊榮敬誦舊

西莊始存稿

卷一

八

什以奏新聲

天子之功四方既平

右第二十四章

萬壽聖德頌

二十四章 謹序

昔史臣之頌堯舜曰欽明文思安安允恭克讓濬

哲文明溫恭允塞孔子則曰大哉堯之爲君惟天

爲大惟堯則之蓋德盛化神上下與天地同流史

臣直指其治之實孔子深歎其道之大其旨一也

欽惟我國家

列聖繼承重熙累洽我

皇上天亶睿哲以聖紹

聖膺圖光宅式是九圍迄于今茲而至誠無息之理久道化成之效馴至翔洽薰蒸淪肌浹髓四方風動萬國咸寧蓋我

皇上之德堯舜之德也我

皇上之治堯舜之治也歲在庚辰恭逢我

皇上五十萬壽時則西陲蕩平聲教暨訖幅幘式廓亘古未有我

皇上覆載生成溥于八埏六幕適際添籌貫昴之辰薄海騰歡願以區區之誠進効九如之頌者雖兒童婦女荒陬僻澁無不思得一當焉夫

西莊始存稿

卷十

九

聖德極于無名此如乾坤之容日月之光繪畫有所不能罄也頌禱遍于區寓此如候蟲思奮時鳥思鳴鼓舞有所不自知也嘗竊思之我

皇上盛德大業所以臻于夔絕者有天授之姿焉有日新之學焉書曰亶聰明作元后我

皇上秉首出之姿有徇齊之美純粹至善生知安行無思而無不通不習而無不利是天縱之姿也念終敬典遜志時敏抱純純之性而懋勉勉之學緝熙敬止日就月將尊其所聞而高明行其所知而光大是日新之學也蓋自唐虞三代以至孔孟

相傳之道不外一中我

皇上敕幾凝命居則允執其中行則執兩用中以明通公溥飭化源以仁育義正端治體施之于近體國經野綱紀足以運轉寰瀛達之于遠赫聲濯靈智勇足以威懷絕域正朝廷正百官正萬民一中所孚也無私覆無私載無私照一中所擴也我皇上實心實政綜厥大端約有三焉一曰敬

天一曰法

祖一曰勤民矢虔恭于夙夜宥密之地如臨如履愆對越于影衾肅駿奔于壇壝珪俎之間或茲或

西莊始存稿

卷十

十

芬致潔齋于盥饗斯我

皇上所以昭格于穆清也盡用人行政之道以監于成憲而家法永垂于以見繩武纘緒之麻合文謨武烈之全以日闢丕基而前光載迪于以徵繼志述事之善斯我

皇上所以陟降而紹庭也寒暑水旱時厘于懷井牧農桑時關于慮蠲租給復截漕平糶之

詔無歲不下而猶常切于已溺已飢河渠海隄疆畝溝澮之修所費不貲而猶軫念于爾畋爾宅蓋凡赤子之待養于慈母也拊畜顧復之保抱攜持

之疾痛疴癢之交通而屬毛離裏之不隔我

皇上之懷保惠鮮噢咻煦嫗亦猶是也而且明實學以造士崇道術以敦儒譽髦羣拔于茅茹楨幹夙儲于杞梓而且時邁省方疇咨民隱量晴課雨親泣桑田蓋君師教養之統我

皇上一人兼集其成于焉視膳而奉安輿問安而承

慈慶尊親極天下之戴色養合萬國之歡猗歟都哉郅治之隆軼義軒駕堯禹盛矣至矣蔑以加矣夫大德獲福我

西莊始存稿

卷一

士

皇既有以孚契于隱微保佑自

天彼蒼自有以大宏其誕畀小則風雨調燠煬若大則西域底建千古之奇功胥賴昊旻篤貺神運幹旋故犁隼夷之庭掃回部之穴五年之間兩勲並集蓋順

天者昌理有固然所以窮荒不毛之地葵傾霍向雀躍鳬趨奇肱重舌候月來賓烏弋黃支占風受更當茲普天同慶之年正我

皇上萬壽五旬之歲崇禧踵集嘉瑞駢臻健行叶不息之占率土上無疆之祝臣謝劣陋安蒙

恩拔擢茲當嵩呼華祝之期竊慕巷舞衢歌之盛敬竭愚鄙撰

萬壽聖德頌一篇凡二十有四章其辭曰大哉乾元太和保合

聖壽無疆鴻休允集繞電搞符流虹耀牒寶籙綿綿璿圖業業

右第一章

帝基長發德契生知神靈首出端拱無爲虎拜揚休燕喜垂規詩歌天保遐福是貽

右第二章

於穆天命韋眷有德惟

西莊始存稿

卷一

士

帝則之昭事弗斁燿火升中陶匏致潔匪繫儀文通以呼吸

右第三章

皇我

列祖景爍永垂

帝纘厥緒莫丕丕基啟堂斯構築墉斯茨紹聞衣德永言孝思

右第四章

無逸陳圖幾康是勅未明求衣晨昏忘食錫厥庶民徧爲爾德五福斂時永敷

皇極

右第五章

皇帝大孝慶萃

萱幃蒸蒸日上孺慕藹藹春暉承歡色養問寢無違慶

霄表瑞菴甫生扉右第
六章

皇帝至仁羣生樂育道被翔行

恩周塹黷愷澤旁流滋滋滲漉和氣凝休爲亭爲

毒右第
七章

皇帝至誠不息永貞

皇帝至敬強固精明基維宥密健比天行無疆悠

久保泰持盈右第
八章

孝治孔彰介福

王母遊豫娛親

西莊始存稿

卷一

七

思先黃耆樂只南山稱觴北斗此戶可封咸登仁

壽右第
九章

皇圖式廓垓圯無垠暇章孔厚畢昴通津梯山航

海入侍來賓澤以化雨大地同春右第
十章

遼遼西域未被

皇風霆掣電掃車攻馬同機沉

睿慮籌斷

宸衷迎長奏凱聿敘武功右第
十一章

發揮

鴻功

龍章炳煥辟雍西極琳琅璀璨煌煌翰藻萃蒙釋

渙於萬斯年昭回雲漢右第
十章

我

皇作人育爾多士棫樸著化圭璋自矢騰躍莛林

馳驅文軌以引以翼永錫爾祉右第
十一章

載申

綸綍載

命羣英拜獻先資咸正厥聲金敦玉琢孔思周情

奎壁振采黼黻隆平右第
十二章

帝厘如傷求民之瘼痼瘵一體弗隔以膜征輸屢

西莊始存稿

卷一

古

除凋瘵罕作茫茫九有愷澤磅礴右第
十三章

豈惟租賦

德音疊蠲太倉有粟爾粥爾饘少府有錢爾貝爾

泉凡百黔黎以生以全右第
十四章

天錫

皇帝智周萬物燭照幾先神超理窟卓識開迷鴻

裁鎮粹妙物爲言明昭日月右第
十五章

天錫

皇帝勇邁武湯絕域畏威欵關相望玉環充獻桃

實承筐至剛至大動罔不臧右第
十六章

天錫

皇帝學海淵深日躋聖敬允執道心化成以久睿

知有臨臯財解愠風協虞琴

右第十
九章

純嘏眉壽繁祉紛紜五行金王八月秋分靈椿婉

歲仙桂含芬賜酺合宴喜溢橫汾

右第十二
十章

閭闔晨啓

皇帝臨宇列辟會同羣工蹈舞輯瑞獻琛鳴簫建

鼓進萬年觴膺斯多祐

右第十二
十一章

受祿永綏歷年勿替鼎祚綿休衢謠紹繼鏡獻千

秋山呼萬歲景福歡欣工歌愷悌

右第十二
十二章

西莊始存稿

卷一

五

時和歲豐乃大有慶德水祥開千年清映洛書秘

啓九疇敘正第祿爾康卷阿彌性

右第十二
十三章

維祺承祐平格時隆書呈金鑑祝軼華封岡陵永

固箕翼光融

鴻基甌輦億載延洪

右第十二
十四章

聖駕南巡頌

二十章
集五經語

維清緝熙

詩

帝德廣運書惠此南國詩重巽以申命易時乘

六龍易雷出地奮易典禮不易春秋用民必順禮

適觀厥成詩宣昭義問詩不敢自暇自逸書

皇祖有訓書

第一章
右

十有六年春秋降福穰穰詩二十有二年春秋率由舊

章詩羣黎百姓詩曰篤不忘書敢敬告

天子書時邁其邦詩

皇則受之書爰方啓行詩乃擇元辰禮春日載陽

詩

錫鸞和鈴

春秋
傳

旂旒央央

詩
第二章
右

大孝尊

親禮亦右

西莊始存稿

卷一

六

文母詩以德爲車禮駕彼四牡詩昏定而晨省禮

悉率左右詩安貞之吉易綏我眉壽詩吾儕小人

春秋自洗腆致用酒書受茲介福詩德音是茂詩

右第三
三章

聖有謨訓書不惟逸豫書不作無益書節以制度

易惟服食器用書登降有數春秋三事大夫詩毋

或敢侵削衆庶禮毋或作爲淫巧禮必循其故禮

簡則易從易有秩斯祐詩

第四章
右

淮海惟揚州書在水一方詩風行地上易而照之

以天光

春秋
傳

天子始乘舟禮自南河至于江禮

天威不遠顔咫尺春秋民說無疆易至于海邦詩

維水泱泱詩

親往視之禮修利隄防禮

天子之功詩既溥既長詩第五右

周視原野禮平秩東作書厥土惟塗泥書益之以

霖霖詩桑于公桑禮其葉沃若詩民生在勤春秋

執事有恪詩巡行縣鄙禮洵訏且樂詩物土之宜

春秋求民之莫詩第六右

河水洋洋詩居國南鄉詩思其艱以圖其易書勉

西莊始存稿 卷一 七

勉我

皇詩省此徐土詩大爲之坊禮水歸其壑禮後順

得常易厥有成績書祀事孔明詩內平外成春秋

永底蒸民之生書第七右

成賦中邦書芒芒禹跡春秋損上益下易兆民允

殖書

命相布德和令禮施舍已責春秋地邑民居禮日

用飲食詩廣哉熙熙乎春秋既飽以德詩百穀用

成書時萬時億詩第八右

五百里米書有截其所詩

命市納賈禮莫不時敘春秋發倉廩賜貧窮禮潤

之以風雨易

帝曰欽哉書以穀我士女詩有孚惠心易昭茲來

許詩第九右

惇宗將禮書夙夜惟寅書利用享祀易懷柔百神

詩山林川谷邱陵禮威秩無文書肅肅雍雍禮式

禮莫愆詩至治馨香書惟典人天書用能協于上

春秋綏厥兆民書第十右

天道至教禮釋奠于其先師禮瞻彼中林詩

聖敬日躋詩修其祝史禮自堂徂基詩厥木惟喬

西莊始存稿 卷一 八

書幽贊于神明而生著易教尊而官正禮惟德是

依春秋傳春秋協于克一書天且不違易第十一右

攸服奔走書大官大邑春秋惟

帝念功書加地進律禮七十而致仕禮不家食吉

易瑕不掩瑜禮乃用三有宅書蓋之如天春秋萬

邦作式書無小無大詩有孚惠我德易第十二右

蒸我髦士詩天施地生易其風肆好詩慶賜遂行

禮敷納以言書以考其誠禮論選士之秀者禮以

其彙征易思樂泮水詩適駿有聲詩說禮樂而敦